

tribunali Poenitentibus, Judicium *Gwilerini* (Guilelmi Philastrii) *Card. Presb. S. Marci a Martino V. Pont.* requisiti in favorem Ventionis et Redemptionis Censuum una cum *Bulla* ejusdem Pontificis data *Rome apud Sanctos Apostolos VI. Non. Julij Pontificatus a. VIII. (1425)* qua declaratur, *quod contractus burgenses vulgariter purckrecht* (ejusmodi Obligatio videlicet Bonorum) *nuncupati sint liciti.* Directa est ad *Archiep. Gneznensem*, et *Epp. Lubicens. et Olomuc.* Petitio vero mota dicitur a Clero, Nobilibus et Incolis *ciuitatis et dioc. Vratislauen.* Initium: *Regimini vniuersalis ecclesie quamvis immeriti &c.* Epistola affecta ad Pontificem et Praelatos de Cleri Reformatione, Quaestio: *Utrum aqua benedicta sit ad aliquam efficaciam spiritualem ab ecclesia instituta*, demum *Rubrica*, seu succincta Tractatio de *Sacramentis.* Quin ipsis Quaestionibus ad *fol. 152.* interjectus est *Joh. Gersonii Tractatus de Contractibus*, ut *Vol. I. P. 1. col. 230.*

CLXXVI.

U. 140 Codex chartaceus lat. Sec. XV. Folior. 335. f. est *Pars III. Quaestionum in Matthaeum*, ejusdem conditionis cum jam relatis. Prima enim ejus Quaestio rursus movetur in C. I. *An congruum fuerit virginem mariam futuram christi matrem viro desponsari?* et mox altera in C. XV. *Utrum occasione religionis sint pretermittenda pietatis officia in parentes?* Finit

in Quaestione: *Utrum lex evangelica sit usque in finem seculi duratura &c.* et totus hic Adparatus inter uberrimos censendus est, qui quidem in *Matthaeum* extant. A *fol. 278.* Codex variis Notis ex omni Theologia occupatur.

CLXXVII.

Codex chartaceus lat. Sec. XV. U. 73 Folior. 317. 4. currente calamo perscriptus est *Pars II. Expositionis Evangelii Matthaei in Viennensibus Scholis lectae*, a C. videlicet IX. usque ad finem.

II. succedit *fol. 288.* similis *Expositio Prophetiae Baruch*, cujus initium: *Diuino auxilio suffragante pro secundo meo cursu lecturus baruch secundum benignam ac paternam dispositionem Matris mee eximie facultatis scilicet theoloyce semper secunde habeo pro presenti recommendationem sacre videlicet pagine &c.* Autor nullibi proditur.

III. *fol. 313.* ipse Textus *Prophetiae* adscriptus est.

CLXXVIII.

Codex membraneus lat. Sec. R. 3044 XIV. ineuntis Folior. 122. f. per duas columnas caractere crassiusculo exaratus, rubricis distinctus, et quondam *Monasterij S. Dorothee Wiennae*, cui, ut ad calcem legitur, *testatus est D. Johannes capellanus*, in folio praevio inscriptus est: *Incipiunt postille domini Alberti* (ab alio superpositum magni) *episcopi ymbriopolensis de ordine fratrum predicatorum.* Et alia

manu:

manu: *Magnus albertus super Marcum. Imbriopolim* a germ. *Regen, Regensburg, Ratisbonam* intellige, Ipsa frons ita enuntiat: *Incipit prologus in postillam alberti magni super Marcum.* Quis Prologus? Consulo Editionem *Lugd. a. 1651.* ab Ordine Praedicatorum XXI. *Tomis* f. redactore P. *Petro Jammy* curatam, et in *Scriptt. Ord. T. I. p. 171.* recensitam, *Postillamque* nostram T. IX. absque omni Prologo reperio, licet is ceteris tribus Evangelistis non desit. Non urgebo, tale consilium suscipientibus Codices *msf.* etiam extra *Galliam* quaerendos fuisse, illud mirari liceat, *Jammyum* nequidem de unica hujus *Postillae* Editione *Hagenoae in Henr. Gran Officina 1505.* f. inspicienda sollicitum fuisse. Invenisset in illa non unum, quin duos Prologos, quemadmodum in Codice nostro. Primum enim praefatur *Albertus* ipse hoc modo: *Ecce vicit leo de tribu iuda radix dauid aperire librum et soluere VII. signacula ejus. Tria notantur hic de christo. fortitudo, nobilitas, et illuminacio &c.* atque haec Praefatio sesquiertiam columnam occupat; dein Prologum *Hieronymi* in *Marcum* exponit 9. columnis hoc initio: *Premittit autem ieronimus prologum in quo tangit tria principaliter. Causam videlicet suscepti operis &c.* Et tum demum Codex noster et Editio *Hagenoensis* coincidunt cum *Jammyana* his verbis: *Inicium Euangelii &c. Sicut dictum est in prehabitis septem sigilla per leonem aperta &c.* Quae

ipsa verba monere debuissent Editorem, *Exemplar*, e quo edebat, ἀκεφαλον esse, ac proinde aliud perfectius conquirendum. Ad calcem mei habetur: *Expliciunt notule super marcum.* quae etiam *Edit. Hagenoensis* claufula est.

Codicis *Thecam* interne vestiunt utrinque *Membranae* Sec. XIII. quae examinatae deprehenduntur pertinere ad *Friderici II. Imp. Querimoniam* adversum *Gregorium IX. Pont. sive Librum I. Epistolarum Petri de Vineis*, continentque extrema *Epistolae ad Regem Anglorum*, integram *ad Regem Franciae*, et initium *ad universos mundi Principes*, quae in *Querimonia Hagenoae per Joh. Seckerium 1529. 8.* edita constituunt *Capita 16. 18. 28.* et in *Edit. Epistolar. praedictarum Ambergae 1609. 8. L. I. Epistolam 16. 18. 28.* Textus non paucis locis ab utraque hac *Editione* deflectit.

CLXXIX.

Codex chartaceus lat. Sec. XV. U. 147
Folior. 298. f. non una manu, bene tamen perscriptus, rubricis distinctus, et quondam, ut praefert, testamento legatus *ad Collegium beate Marie virginis Domus rubee rose apud fratres predicatores in wienna a M. Thoma de wullersdarff* (Wullersdorf oppido infer. Austriae?) *arcium ac sacre pagine doctore, apud sanctum stephanum Canonico, praefatique collegij superintendente* sequentia continet: I. *Lecturam* scholasticam in *Evangelium D. Marci*, hoc in-
gref-